



MEMORIA XUSTIFICATIVA E ECONÓMICA DO CONVENIO ENTRE A AXENCIA PARA A MODERNIZACIÓN TECNOLÓXICA DE GALICIA (AMTEGA), A UNIVERSIDADE DE SANTIAGO DE COMPOSTELA (USC), A UNIVERSIDADE DA CORUÑA (UDC) E A UNIVERSIDADE DE VIGO (UVIGO) PARA A DESENVOLVEMENTO DUN ESTUDO SOBRE O MARCO ÉTICO-NORMATIVO E O POTENCIAL IMPACTO DA ADOPCIÓN DA INTELIXENCIA ARTIFICIAL EN GALICIA

O xefe do departamento xurídico da Axencia Galega para a Modernización Tecnolóxica de Galicia (AMTEGA), DECLARA:

Que esta Axencia Galega para a Modernización Tecnolóxica de Galicia ten previsto formalizar ca Universidade de Santiago de Compostela (en diante USC), a Universidade da Coruña (en diante UDC), e a Universidade de Vigo (en diante UVIGO), o instrumento convencional arriba referido por un período de vixencia que abrangue dende a data da sinatura do Convenio ata o momento que cese o desenvolvemento nel previsto, e como data límite o 31 de decembro de 2022.

Que o instrumento convencional ten por obxecto é establecer as condicións polas que se rexerá a colaboración entre a AMTEGA, a USC, a UDC e a UVIGO para a realización dunha análise do marco ético-normativo e o potencial impacto da adopción da Intelixencia Artificial en Galicia.

Que o instrumento convencional fundaméntase, por unha parte no Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, modificado polo Decreto 9/2021, do 21 de xaneiro, polo que se suprime o Centro Informático para a Xestión Tributaria, Económico-Financeira e Contable (Cixtec) e se modifica o Decreto 252/2011, do 15 de decembro, polo que se crea a Axencia para a Modernización Tecnolóxica de Galicia e se aproban os seus estatutos, que no seu artigo 9 establece que a Amtega ten entre as súas competencias o impulso, asesoramento técnico e apoio en materia de tecnoloxías da información e as comunicacións e a súa aplicación para a modernización, innovación e desenvolvemento tecnolóxico de Galicia.

A Universidade de Santiago de Compostela, é unha entidade que desenvolve actividades de investigación, formación e desenvolvemento científico e tecnolóxico e posúe experiencia probada no desenvolvemento de estudos no ámbito ético, legal, socioeconómico e cultural das tecnoloxías da información e da comunicación, no desenvolvemento de modelos de intelixencia artificial e en aplicación das tecnoloxías intelixentes e o seu impacto entre os grupos de investigación e o sector produtivo, segundo se establece nos seus estatutos aprobados polo Decreto 14/2014, do 30 de xaneiro (BOE núm. 150, do 27 de febreiro) e de conformidade co artigo 20, da Lei orgánica 06/2001 (BOE núm 307, do 24 de decembro) modificada pola Lei 04/2007, do 12 de abril (BOE núm. 89, do 13 de abril), polos que se aproban os estatutos da Universidade de Santiago de Compostela.





A Universidade da Coruña é unha entidade que desenvolve actividades de investigación, formación e desenvolvemento científico e tecnolóxico e posúe experiencia probada no desenvolvemento de estudos no ámbito da análise das políticas e estratexias públicas, así como no deseño de modelos de indicadores entre os grupos de investigación e o sector produtivo, de acordo co disposto nos seus estatutos da UDC, aprobados polo Decreto 101/2004, do 13 de maio (DOG núm. 100, do 26 de maio), e modificados polo Decreto 194/2007, do 11 de outubro (DOG núm. 201, do 17 de outubro), e de conformidade coa atribución do artigo 20, da Lei orgánica 06/2001 (BOE núm. 307, do 24 de decembro) modificada pola Lei 04/2007, do 12 de abril (BOE núm. 89, do 13 de abril) polo que se aproban os estatutos da Universidade da Coruña.

A Universidade de Vigo, é unha entidade que desenvolve actividades de investigación, formación e desenvolvemento científico e tecnolóxico e posúe experiencia probada no desenvolvemento de estudos no ámbito do impacto das tecnoloxías no eido rexional entre os grupos de investigación e o sector produtivo segundo o disposto nos seus estatutos da Universidade de Vigo, aprobados polo Decreto 7/2010, do 14 de xaneiro (DOG núm. 21, do 02 de febreiro), e de conformidade coa atribución do artigo 20, da Lei orgánica 06/2001 (BOE núm. 307, do 24 de decembro) modificada pola Lei 04/2007, do 12 de abril (BOE núm. 89, do 13 de abril) polo que se aproban os estatutos da Universidade de Vigo.

A colaboración entre a AMTEGA, a USC, a UDC e a UVIGO para a realización dunha análise do marco ético-normativo e o potencial impacto da adopción da Intelixencia Artificial en Galicia, concretarase nas seguintes actuacións

- Redacción, edición, presentación pública e difusión dun estudo sobre o marco ético-normativo e o potencial impacto da adopción da Intelixencia Artificial en Galicia durante o ano 2022.
- Tratamento e análise da información facilitada pola Amtega da enquisa "Encuesta sobre el uso de TIC y comercio electrónico en las empresas Año 2020 – Primer trimestre 2021" elaborada polo INE, cuxos resultados serán obxecto de análise cara á elaboración do estudo mencionado no apartado anterior.

Por todo o exposto, considérase de gran interese a colaboración das partes asinantes, non sendo posible promover a concorrència pública resultando, polo tanto, de aplicación o artigo 19.4.c) da Lei 9/2007, do 13 de xullo, de subvencións de Galicia.

A achega económica outórgase ao amparo do disposto no Regulamento (CE) 1407/2013 da Comisión, do 18 de decembro de 2013, relativo á aplicación dos artigos 107 e 108 do Tratado de funcionamento da Unión Europea ás axudas de minimis, (DOUE 24/12/2013, L352/1).





AXENCIA PARA A
MODERNIZACIÓN
TECNOLÓXICA DE GALICIA



UNIÓN EUROPEA

FONDO EUROPEO DE
DESENVOLVEMENTO
REGIONAL
"Unha maneira de facer Europa"

Universidade de Vigo



UNIVERSIDADE DA CORUÑA



Que os intereses converxentes das partes asinantes exclúen o carácter oneroso das actuacións obxecto do convenio, e non poden satisfacerse axeitadamente mediante a celebración dun contrato dos contemplados na *Lei 9/2017, do 8 de novembro, de Contratos do Sector público*, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da *Lei 1/2016, de 18 de xaneiro, de transparencia e bo goberno*, estímase xustificado o instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela,



Xacobeo 21-22

